

Gazetta da scoula

2 / 2016
gün, 1. annada



La rouda - proget e tema da l'on a Tarasp



proget da lingua a Sent - Chasper Po



proget d'art a Scuol



proget da scolars a Ftan - il parlament

La scoula nun exista be da quint e lingua, impustüt evenimaints specials, laviours cumünaivilas tanter pitschen e grond – progets sur ün tschert temp fuorman in ün oter möd ils uffants. In quista gazetta preschaintan las quatter scoulas in che fuorma chi han lavurà in lur proget ed ils resultats persavadan.

am legiast avant
schi invlida darcheu

am muossast schi forsa m'algorda plü tard

am laschast tour part schi tegna adimmaint per adüna (citat d'ün incuntschaint)

TARASPI

novitats da la scoula

trenamaint dad ir cul

VELO

venderdi davomezdi,

17 gün 2016

Dürant quist davomezdi vaina previs cha tscherts uffants imprendan ad ir cul velo, oters trenan ad ir sur obstaculs, far parcours, ma eir ir our i'l liber.

Noah, 5 avila
Stefan doza la rouda davant per ir sur singuls schallins, glimes sfessas e crappins oura.



ufficina ROUDAS 1. – 3. classa

Dürant ün pêr eivnas han ils uffants lavurà vi da differents posts. In quist temp han els let, scrit, taglià, tachà, zambrià ed experimentà ed uschè imprais a cugnuoscher differentas ROUDAS.

Di da proget: fabrichar VEICULS

mardi, ils 7 gün 2016


Dürant ün di han ils uffants fabrichà e zambrià in gruppas masdadas d'età veiculs chi accumplischian las pretaisas da controllo, qu.v.d. :

- rodlar almain üna distanza da 2 m
- il veicul nu das-cha rumper

A la fin ha mincha veicul survgni ün permess! :-)



El ans ha muossà ün pêtric ch'el ha vis sün youtube, sco p.ex. co ir culla sopcha cun roudas sù das-chala.
Gian-Andrea, 6 avila



No vain fat veiculs. Eu n'ha fat ün jeep. L'ultim vaina tschüf ün glatsch. I d'eira fich cool e chod.
Nuri, 2. cl.



Visita da la scoula bilingua da Maloja cun noss team da magistras, 1. gün 2016. La scoula bilingua da Maloja es üna scoula pitschna cun 15 uffants in primara. A nus haja interessà co ch'üna scoula sumgliainta a la nostra funcziuna. I ns fa plaschair ch'üna scoula pitschna ha guadagnà ün dals premis d'educaziun svizzer 2015.

Eu n'ha fat ün'istorgia e taglià veiculs our d'una gazetta. Julia, 2. cl.
Eu n'ha fat sufer d'n auto da chartun. Lura n'haja let e pittura ün auto da lain. Mario, 3. cl.
Our dad ün fögl vaina fat ün cuedeschin cun reglas da via. Nic, 2. cl.




No vain fat veiculs. Eu n'ha fat ün jeep. L'ultim vaina tschüf ün glatsch. I d'eira fich cool e chod.
Nuri, 2. cl.

tema da l'on: Minch'on da scoula definin nus magistras ün tema da l'on. Quel es per nus tuottas il fil cotschen chi'ns dà ideas per dis da progets, ma eir ill'instrucziun da minchadi.

Parlamaint da scolaras e scolars

Uffants dessan eir avair ün pled in chapitel in tschertas robas da scoula.

Da quell'idea d'eira il team da magistras e magisters da Ftan fingià l'on 2003. Els han elavurà ün proget adattà per lur scoula ed han introdüt il „Parlamaint da scolars“.




Ils uffants imprendan a formular lur giavüschs in moda concreta, ad argumentar, a tadlar a tschels, a surtour responsabiltà, a s'expouner cun lur opiniun davant ün public.

Actualmaing esa minch'on elecziuns e ca. trais radunanzas l'on. Mincha partizun ha ün(a) rapreschantant(a) in suprastanza.

Al Parlamaint da scolars fan part tuot las partiziuns da la scoula: la scoulina, la 1.-3. classa e la 4.-6.avla classa. A la prüma sezzüda da l'on vain eletta la suprastanza cun president (a), actuar(a) ed agüdont(a). Id es installada üna chartera, ingio chi pon gnir inoltradas las propostas per tractandas, p. ex. situaziuns da convivenza, andamaints da Schüschaiver e Chalandamarz, utilisaziun da la plazza da scoula, giavüschs... A sia ultima sezzüda dals 25 avrigl ha il Parlamaint relaschà il nou uorden da posa.

Vuschs da scolaras e scolars




Novitats dal cussagl da scoula

Il prüm on sco scoula fusiunada es fìngià passà. In nossa prüma gazetta da scoula cumün-avila vaina rapportà da noss intents i'l s-chalin ot. Quai es uossa realtà. Il contrat cul consorzi da scoula A fin Z es gnü scholt antecipada-maing. A partir da quist on da scoula, plü precis a partir dals 22 avuost 2016, appartegnan eir la scoulina e la scoula primara dad Ardez culs uffants dad Ardez e Guarda pro'l cumün da Scoul. Sco manader da tala es gnü elet Duri Janett, magister primar ad Ardez. Uschè es l'operativa culs 5 manaders da las 5 scoulas cumplecta.

In avuost cumainzan sper ils scolars da Scoul, Ftan e Tarasp eir ils uffants da Guarda, dad Ardez e da Bos-cha la settavla classa a Scoul. I nun es però uschè cha tuot resta sco fin uossa – no provain da collavurar ed adattar nossas spüertas i'l cumün grond tenor divers criteris. Uschè s'haja quist on per la prüma jada sport ils roms facultatius in 9avla classa cumünaivelmaing per Scoul e per Sent. In futur ed impüstü realisond il plan d'instrucziun 21 laina nüzziar las sinergias chi sun avantman. Nos cumün ha üna vasta spüerta e cun drivir ün pa las portas e guardar ingio chi fa sen da collavurar, pudaina sgüra optimar e profitar vicendaivelmaing da las infrastructuras, dal savair e da la qualità.

Quists adattamaints nu vegnan però fats dad hoz sün daman. Implü esa fich greiv a planisar la scoula a lunga vista, perche cha la scoula es in prüma lingia dependenta dals uffants e quellas cifras as cugnuoscha maximalmaing

spüertas da scoula i'l s-chalin ot in nos cumün



pels prossems 5 ons. Noss bòts sun però in mincha cas da resguardar in nossa planisaziun a lunga vista ils seguants puncts:

- nossa scoula sto s'adattar als bsögns (ledscha, plan d'instrucziun 21, uffants, magistraglia, ...)
- nossa scoula dess mantgnair sia bona qualità
- ella resta in movimaint e tuot las fraciuns han da s'adattar
- tgnair in ögl ils cuosts
- esser conscient da las diversas infrastructuras e spüertas
- trar a nüz sinergias
- ...

Sper garantir la scolaziun sül s-chalin ot in nos cumün, eschna intretscharts i'l stüdi re-giunal davart il futur dals s-chalins ots in tuot la regiun. Quel stüdi vain manà da la Regiun Engiadina Bassa Val Müstair ed a tal fan part tuot ils cumüns da Samignun fin in Val Müstair. Il cungnù da quel stüdi es in prüma lingia da sviluppar models pel futur chi dessan sgürar las spüertas ill'educaziun per scolaras e scolars da la regiun. Ils puncts principals chi sun da resguardar sun la garanzia da la qualità, il svilup demografic, transports, infrastructuras, bsögn d'investiziun, finanziazion ed il rom da las ledschas. Il böt es da pudair preschantar la fin da quist on ils prüms resultats da quist stüdi da basa. Quai dess lura esser la fundamainta pel svilup da nossas scoulas in futur.

Mutazion

Christina Lutz Egger

Christina es statta muossadra a Scoul daspö l'on da scoula 2007/08, il prüm be illa scoulina Trü, dûrant ün temp ha'la accumpagnà a gruppas da tuot las scoulinas da Scoul e daspö il 2012 sco muossadra a temp parzial illa scoulina „Muntanella“ da la chasa du Parc. Ella banduna la scoulina da Scoul pella fin da l'on da scoula. A partir da l'avuost surpiglia ella ün pensum parzial sco pedagogia curativa ad Ardez. Per quista nouva sfida tilli giavüschaina blera satisfacziun e tuot il bun.

Sortidas

Brigitta Emmenegger

Duonna Brigitta ha cumanzà da prümvavaira 2014 ad instruir sustegn da lingua illa scoula primara da Tarasp. Ella ha instrui cun corp ed orma. Dûrant quist on da scoula ha ella eir sustgnü la 1. classa in lecziuns da bloc. Per sia gronda pazienza e seis ingaschamaint in nos team tilli laina ingrazchar fich. No sperain cha no possan profitar inavant da seis inputs pedagogics cur ch'ella instruischa pro nus il cuors fundamental da musica. Per las sfidas illa pensiun tilli giavüschaina tuot il bun.

Regula Verdet

Dûrant 9 ons ha duonna Regula instrui disegn ed eir zambriar illa scoula primara da Tarasp. Ella s'hà ingaschada fich per quists roms cun bleras ideas per realisar ouvras fantasticas cun mezs fich simpels e variats. Sias ideas creati-

Entrada

Marina Jann

Sco nouva magistra da la terza e quarta classa da la scoula da Sent es gnüda tscher-nüda Marina Jann. Davo las scoulas obligatoricas a Sent ha ella frequentà il gym-nasi a Ftan. In seguit ha ella sco prüm fat la scolaziun da muossa-dra e lura la scolaziun da magistra primara a la Scoul'ota da pedagogia a Cuoira (SAP). Ella cumainza sia plazza sco magistra da la terza e quarta classa e magistra d'inglais da la 5 e 6avla classa in avuost. No tilli salüdain e tilli giavüschaina bler plaschair e satisfacziun per sia nouva sfida sco magistra.



Novitats dals manaders da scoula

Progets

«Il proget» es ün term linguistic chi vain dovrà hozindu adüna darcheu, id es propcha dvantà ün pled da moda. Scha plü bod as faiva üna spassegiada da scoula, as gaiava ün viadi, as vaiva il pulizist chi gniva in scoula o as gaiava a güdar als paurs pro alch lavur, schi hoz vegna suvent nomná: i vain fat ün proget da cultivažun dal terrain agricul o ün proget da sgürezza sün via, etc. Chi saja sco chi vöglia: i's tratta dad alch special, d'ün'instrucziun na tenor urari regular, d'ün evenimaint special per persunas d'instrucziun o per uffants. Suvent restan inavo differentas algordanzas chi pon adüna cumparair in nossa memoria, forsa diplü co üna lecziun da matematica o da lingua tenor il mez d'instrucziun chi's douvra mincha di.

Tscherts progets vegnan realisats dal Chantun: saja quai la nouva ledscha da scoula chi'd es ida in vigur avant pacs ons o eir il plan d'instrucziun 21, dal qual i's dudirà amo in qualche jada dürant il prossem temp. Oters progets vegnan realisats in mincha scoula, obain in turnus da plüs ons, obain minch'on o lura po ün o l'oter proget eir esser alch unic.

Dürant quist on da scoula vaina organisà duos robas specialas chi pertoccan tuot il cumün nouv, üna scolaziun da muossadras, magistras e magisters ed ün evenimaint da sport per differentas classas da tuot il cumün nouv da Scoul. Davart quists duos evenimaints les-sna rapportar in quist'occasiun.



Plan da scoula 2016 / 17

Scoula

22.08.2016 - 07.10.2016

Vacanzas

08.10.2016 - 23.10.2016

24.10.2016 - 23.12.2016

24.12.2016 - 08.01.2017*

09.01.2017 - 01.03.2017

02.03.2017 - 08.03.2017*

09.03.2017 - 03.05.2017

04.05.2017 - 21.05.2017

22.05.2017 - 30.06.2017

01.07.2017 - 20.08.2017

* Causa chi'l Chalandamarz a Ftan ha lö adüna la sonda sun las vacanzas da Chalandamarz a Ftan dals 26 favrer fin als 5 marz 2017.

Las vacanzas da Nadal a Sent cumainzan als 25 december 2016.

Üsanzas

Ftan

22 dec. 2016 Nadal da scoula

Scoul

23 dec. 2016 Nadal da scoula

04 favrer 2017 Schüschaiver

13 schner 2017 Pangronds

24 favrer 2017 Talocs

04 favrer 2017 Hom Strom

25 favrer 2017 Chalandamarz

01. marz 2017 Chalandamarz

Sent

24 dec. 2016 Nadal da scoula

Tarasp

22 dec. 2016 Nadal da scoula

01. marz 2017 Chalandamarz

01. marz 2017 Chalandamarz

Ardez

** Nadal da scoula

Guarda

** Nadal da scoula

01. marz 2017 Chalandamarz

28 favrer 2017 Chalandamarz

01. marz 2017 Chalandamarz

** La data dal Nadal da scoula ad Ardez e Guarda vegn datta cuntschainta plü tard - guardai sülla pagina d'internet suot www.scoul.net/scoula Cuminalas

Dis da festa

01. nov. 2016 Festa da tuot ils Sonchs (be Tarasp)

25 mai 2017 Ascensiun

14 - 17 avrigl 2017 Pasqua

05 - 05 gün 2017 Tschinquaisma

Quist chalender rimpiazza tuot ils chalenders chi sun gnüts publichats plü bod!



Cuorsa d'orientaziun tras cumün

Dals 9 als 15 lügl 2016 han lö ils champiunadis mundials da juniors in Engiadina Bassa e Val Müstair. Pervi da quist evenimaint sun gnüdas s-chaffidas differentas chartas geograficas da cuorsa d'orientaziun, chartas geograficas da cuntradas da god, pas-ch, ma eir chartas da cuorsa d'orientaziun da quartiers in cumün (la disciplina sprint varà lö i'l cumün vegl da Scuol).

Ils respunsabels da quists champiunadis han sport a las scoulas pussibiltats da gñir a cugnuoscher il sport da cuorsa d'orientaziun e fat differentas fuomas da trenamaint culs scolars i'l cumün da Sent. Passa 200 scolaras e scolars da tuot il cumün da Scuol han gñü l'occasiun da gñir a cugnuoscher, in gruppas masdadas our da las differentas scoulas giassinas, vias e plazzas dal cumün e quai a man d'üna charta da geografia professiunala, fatta apostra per trenamaints per quists champiunadis. Chi sa, scha in ün pér ons vezzaina eir ad üna da nossas anteriuress scolaras o ad ün da noss anteriuress scolars a cuorrer cun charta da geografia tras cumün o in alch god. Dal rest fa part eir l'anteriura champiunessa mundiala e sportista svizra da l'on, Simone Niggli-Luder, al comité d'organisaziun e sarà preschainta dürant tuot quist temp in Engiadina Bassa.

Cuors da perfecziunamaint per persunas d'instrucziun

Daspö il 2012 es in vigur la nouva ledscha da scoula. Quista prevezza ün'integrazion da tuot ils uffants illas classas regularas, saja quai uffants cun impedimaints, uffants cun difficultats d'imprender sco eir uffants fich dunats. Las pedagogas curativas nu sun be plü magistras da classa pitschna chi instruischan independentamaing in lur stanzas da scoula, i toccan uossa, precis sco'l magister da classa, in stanza da scoula. I nu sun plü be las magistras dals scolars cun difficultats d'imprender, i sustegnan a tuot ils scolars e tuot il team da magistras e magisters.

Ch'uschè üna müdada dal möd d'instruir nu funcziuna dad hoz a daman es inclegiantaivel e perquai spordscha il Chantun cuors da perfecziunamaint interns. Per tuot las persunas d'instrucziun es il cuors stat ün evenimaint important. I s'es gñü a savair dad experts, ingio chi's po optimar la collavuraziun, cur chi fa listess sen dad instruir in gruppas pitschnas plü omogenas e co chi's ragiundscha il meglider il princip da l'integrazion. Ün oter fat chi'd es gñü tematisà sun las gruppas d'imprender professiunals: co daja üna collavuraziun idealta dals magisters chi instruischan ils listess roms, chi han las listessas classas, etc.?

Il magister d'hozindì es ün giovader da squadra. Quai voul dir, el es bun da ragiundscher ils bôts be cun lavurar in ün team. Il temp, ingio cha mincha magister guardaiva be per sai e per sia classa, tocca pro'l passà.

Nus manadras e manaders da scoula ingrazchain a tuot la populaziun pel sustegn e sperain da pudair sustgnair plü bain possibel a tuot noss uffants sün lur via i'l avegnir.

Gian Caviezel, Aglaia Gallmann, Martina Näff e Mario Rauch.

Scoula Scoul

Manader da scoula Mario Rauch

Secretaria Gretta Ursina García-Nogler

Pedels Elmar + Elisa Schöpf

mario.rauch@scoula-scoul.ch

Tel. 081 861 27 62

Tel. 081 861 27 60

Tel. stanza da magisters 081 861 27 63

E-mail secretariat@scoula-scoul.ch

Uras da büro lündeschdi 13.30 - 15.00 | mardi 11.00 - 12.00

gövgia 08.00 - 10.00

Scoula Sent

Manader da scoula Gian Caviezel

Pedel Silvio Vital

Tel. 081 861 05 52

E-mail giancaviezel@gmx.ch

Uras da büro mardi 16.00 - 17.00 e gövgia 11.00 - 12.00

Scoula Ftan

Manadra da scoula Martina Näff-Benderer

Pedella Raja Schulze

Tel. 081 860 38 24

Tel. stanza da magisters 081 864 09 29

E-mail martinanaeff@hotmail.ch

Uras da büro lündeschdi tenor cunvegna

Scoula Tarasp

Manadra da scoula Aglaia Gallmann Tel. 079 219 69 91

Pedella Seraina Ammann Tel. 078 764 61 79

E-mail scoula.tarasp@scuol.net

Uras da büro lündeschdi 14.15 - 15.00

Scoula Ardez

Manader da scoula Duri Janett

Pedella Marie Luise Taisch

duri.janett@gmail.com

Tel. 079 469 12 03

Tel. stanza da magisters 081 862 23 10

Uras da büro lündeschdi 13.30 - 15.00

Proget da Chasper Po

In occasiun da la sairada da commemoraziun pel poet sentiner Chasper Po, chi ha gnü lö als 22 avrigl 2016 s'han las scolaras e'l's scolars da la scoula da Sent dedichats a las poesias da Chasper Po

Differents s-chalins han lavourà in ün'otra maniera culla tematica „Chasper Po“.

La 1. e 2. classa han pitturà culissas cul tema Jon e Din chi han imbelli il teater dad Anna Mathis e Christian Hännny.

Las scolaras e'l's scolars da la 5 e 6avla classa han surtut il model da la poesia „Scena famigliara“ da Chasper Po, han tschernü nouvas tematicas ed han scrit svess poesias. Lur poesias hana recità in möd teatralic ed umoristic davant ün vast publicum. Quistas poesias vegnan publichadas i'l prossem Chalender Ladin, annada 2017.

Il s-chalin ot s'ha confus profuondamaing cun differentas poesias originalas da Chasper Po tenor lur cuntgnü e'l minz fich tipic pel poet. Las scolaras e'l's scolars han pudü giudair las explicaziuns e las respostas a lur dumondas dals experts Clà Riatsch e Göri Klainguti. Per commemorar il poet da Sent hana recità sias poesias.



Scena pro'l daintist

Introducziun:

„Schi vain discurrü da plombas, da punts, da ragischs, dal röntgen, dad amalgans, da Carius e da Bactus, schi's doda taraders chi han üna frequenza fich ota e schi savura dad Elmex o da Pepsodent, lura savaina: No ans rechattain aint illa sala d'aspet da dr. med. dent. Stefan Wolfisberg.“

Poesia:

„Ün mattin, be superbgia, muoss'a tuots sia spanga,
seis vaschin, fond in chotscha, mütscha da la zanga.
Il daintist quel stira vi d'ün daint da güdizi,
il paziaint be daspera fa ün vaira sbragizi.“

Tenor la poesia „Scena famigliara“ da Chasper Po
da Not Zanetti, Silvano Pua e Sandra Schmidt





Projet „ART“ da la scoula da Scuol

Ils 26 e 27 da mai 2016 sun stats pellas scolaras e scolars e lur magistras e magisters suot l'insaina da l'art. In gruppas d'etads masdadas han els creà differentas ouvras in collavuraziun cun differents artists. Cul sustegn da Daniel Cotti es gnü fabrichà il «monster da la Clozza». Ronny Staub e sia grupper han pitturà putrets cul tema „robotown“. Cun gronda fantasia ha la grupper dad Iris Riatsch s-chaffi purtrets filigrans cun l'agüd da la forsch. Trais purtrets movibels cun culuors glüschainas sün rollas da chartun ha fat la grupper «rolling art» insemsel cun Jachen Canal. Üna grupper es statta our il liber ed a laverà cul sustegn da Regula Mosca cun materials natürals e creà purtrets artistics illa natüra.



**Quistas scolaras e
quists scolars bandunan davo 9 ons
nossas scoulas.**

**Per l'avegnir tils giavüschaina
tuot il bun!**



Ina Egger
FMS



Laura Salomon
florista



Elona Elezaj
gimnasi



Silas Pinggera
pastizier



Márcia Filipa Ramos
commercianta



Valeria Pitsch
10avel on da scoula




Carla Wohler
gimnasi



Christian Wallnöfer
installatur sanitairic



Dario Schmidt
constructur da metal



David Noggler
paür



Lüzza Tumasch Josty
marangun



Michela Sala
gimnasi



Linard Zürcher
specialist da fotografia



Riana Angerer
10avel on da scoula a Schiers




Pedro Carvalho
cuafför



Fabio Lombardo
installatur sanitairic




Claudia Lorenzetti
chüradra d'uffants (FaBe)




Ana Costa
10avel on da scoula a Samedan



Cristina Minestrini
opticra



Anna Lea Markt
10avel on da scoula a Ftan



Viviana Fried
mecatronica d'autos



Mazzina Mischtol
10avel on, commercianta
da l'hotellaria (KV)



Anna Jacobs
gimnasi



Lena Bazzi
FMS



Serafin Caprez
mecatroniker da pendicularas





Corsina Stricker
gimnasi



Samira Andersag
cuaffosa



Annina Madlaina Bettschart
10avel on da scoula a Glion



Gianna Wohler
gimnasi



Leonardo Almeida
installatur sanitairic